

24.septembar 2011.godine

"Legende" rasplakale Gordanu Topić

Na njihovom koncertu u "Coloseumu" niko nije mogao ostati ravnodušan, a svaka pjesma nagrađivana je aplauzom koji bi se prolamao po nekoliko minuta



Jedna od najuspješnijih starogradskih pop grupa sa prostora bivše Juge, beogradske „Legende" prošle sedmice u sarajevskom klubu "Coloseum" upriličile su promociju svog kompilacijskog album pod nazivom "Najveći hitovi".

Na ovom CD-u se uz 12 kompozicija, koje su za bosansko tržište posebno birane, nalaze i dueti s Halidom Bešlićem i Željkom Samardžićem.

Na promociji albuma "Najveći hitovi" pored velikog broja medija bili su Halid Bešlić, Branka Sovrlić, Šuki Planjanin, Verena Cerovina, Đeronimo ... Svi osim Halida, koji je izrazio veliko žaljenje, prisustvovali su fenomenalnom koncertu kojeg su "Legende" iste večeri održale u "Coloseumu" pred brojnom publikom. Ovaj nastup, kazale su "Legende" je najava za veliki koncert u bh. prijestonici kojim će obilježiti 25 godina uspješnog rada.

Atmosfera koja je vladala u "Coloseumu" nije mogla ostaviti ravnodušne kako goste tako ni one na sceni, a neke je doveo i do suza. Jedna od njih je profesorica Gordana Topić, koju je pjesma vratila u neka dobra stara vremena. Drugi su opet "utjehu" pronašli u plesu...a svaka izvedba nagrađena je aplauzom koji bi se prolamao po nekoliko minuta.

Ko je prisustvovao ovom njihovom muzičkom spektaklu sa nestrpljenjem očekuje svaki sljedeći koncert. Jer, "Legende" su neponovljive, grupa koja je posebnom vrstom muzike, gradske zabavno-narodne, osvojila brojnu publiku.

Njihova muzika tek u zadnjih par godina nalazi veliki upliv i odobravanje kod publike, a to je Daša objašnjava tako što oni ne pišu hitove već evergrine.

Ova grupa u svojoj bogatoj riznici priznanja između ostalog ima 10 Oskara popularnosti, šest "Zlatnih melosa", "Zlatni violinski ključ" PGP-a te nagradu Beovizije za pjesmu iz filma "Jesen stiže Dunjo moja".

Galerija slika na linku

<http://www.expressmag.ba/expressov-reporter/3557-legende-rasplakale-gordanu-topic.html>